



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Conversio Peccatoris, Seu Modus quo Peccator communiter resurgit ad justitiam.**

**Lefelon, Antoine**

**Bruxellis, 1675**

§. 4. Doctrina Manuductionis docens pro conversione inflanter orandum,  
desperationem impedit potius quàm eam suscitet.

**urn:nbn:de:hbz:466:1-9433**

si tantam difficultatem convertentes patiuntur. <sup>Psal.</sup>

Rectè proindè admonet S. Gregorius: <sup>6.</sup>

Clamet & peccator, quem à Deo recedentem cu- <sup>Pœnit. v. de</sup>  
piditatum tempestas contrivit, quem malignus <sup>Profundis.</sup>

hostis absorbit, quem præsentis sæculi fluctus involvit: agnoscat se esse in profundo, ut ad Deum suâ perveniat oratio, DE PROFUNDIS CLAMAVI AD TE DOMINE. In quo notandum, quia non ait: clamo sed clamavi. Habes in hoc perseverantiæ documentum, ut si primo non exaudiris, ab oratione non deficias, imo precibus & clamori insistas. Vult Deus rogari, vult cogi, vult quadam importunitate vinci. Ideo tibi dicit: regnum Dei vim patitur, & violenti rapiunt illud.

§. IV.

Doctrina Manuductionis docens pro conversione instanter orandum, desperationem impedit potius quàm eam suscitet.

**S**ed istud, ait Appendix, aperit peccatoribus viam ad diffidentiam & desperationem. Econtra viam istam claudit, dicendum fuerat, eosquè facit confidere. Magna est enim plerumquè maxime inveterati peccatoris angustia, cum mortiferis delectati, omnibus servire consuetus, ab iisdem sese cogitat expedire.

re. Bonum videt, & approbat indè ab-  
rumpere amorem & ad virtutem confer-  
re: sed adhuc videt se detineri, videt se  
vinci, videt se frustra conari. Diversis  
voluntatibus cor ejus distenditur, mile-  
requè discerpitur, dum novam vitam  
appetit, sed adhuc veteri cupiditati suc-  
cumbens à consuetis delectationibus ti-  
met abscedere. Accedit & stygius Pha-  
rao qui acrius premit quos jam videt di-  
tionem suam meditari deserere. Ut enim

a *Lib. 1. de  
ador. in spir.*  
b *Sens. l. 2.  
cap. 9.*

c *De conv.  
ad cler. cap.  
11.*

L. 30. mor.  
cap. 23.

post S. S. a Cyrillum, Alex. & b Ifido-  
rum notat c S. Bernardus: *Quotidianis  
discimus experimentis, eos qui converti delibe-  
rant, tentari acrius à concupiscentia carnis: &  
urgeri gravius in operibus luti & lateris, qui  
Ægyptum egredi & Pharaonis imperium effu-  
gere moliuntur. Omitto vanos timores qui-  
bus non modicè sæpè conturbatur & à  
conversione retardatur. Multos enim sæpè  
videmus, ait S. Gregorius, viam quidem  
sanctæ conversationis appetere, sed ne hanc asse-  
qui valeant, modò irruentes casus, modò futura  
adversa formidare. Qui incerta mala dum quasi  
cauti prospiciunt, in peccatorum suorum vinculis  
incauti retinentur. Multa enim ante oculos po-  
nunt, quæ si eis in conversatione eveniant, subsi-  
stere se non posse formidant.*